

國家圖書館出版社

廣東省立中山圖書館藏
稀見方志叢刊



倪俊明◎主編

廣東省立中山圖書館藏
稀見方志叢刊

倪俊明◎主編

國家圖書館出版社

37

第三十七冊目錄

「嘉慶」大埔縣志十八卷首一卷（卷一——卷十五）（清）洪先燾纂修 清嘉慶九年（1804）刻本

卷首

序（洪先燾）	三
原序（張燮任等）	一一
凡例	二七
修志姓氏	三五
輿圖	四一
總目	五一
卷一（疆域）	五五
卷二（山川）	七五
卷三（城池）	一四一
卷四（衙署）	一九七
卷五（學校）	二二三

卷六(祠祀)		二六三
卷七(寺觀)		二八一
卷八(賦役)		三〇七
卷九(兵防)		三八七
卷十(驛鋪)		四二九
卷十一(風俗)		四三七
卷十二(物產)		四四五
卷十三(災祥)		四五七
卷十四(秩官)		四八一
卷十五(名宦)		五三七

嘉慶甲子新鐫

大埔縣志

大

新

集

卷

嘉

慶

年

歲辛酉大挑余分粵東取道而
南越桂嶺下瀧水觀韶峰崇巖
之奇泊珠江上越臺臨五羊風
濤之壯慨然嘆息文獻清獻異
代齊名其山川之秀偉滄海如
是待命數月檄攝大埔篆循江

而東歷龍川度藍關則一拜昌
黎祠抵潮州陟韓山則再拜昌
黎祠因及天水先生遂就埔陽
視事埔山巖而峻水清而駛其
物無奇贏其人無厚殖其小人
德而質其君子惠而文弦誦之

考比屋不絕又慨然曰古所稱
海濱鄒魯者庶其在此因披圖
記以參觀其風俗旁及物產雜
不離古文近是亦時或抵牾又
近載科名甚盛而人海之建樹
藝林之著述俱無可考蓋舊志

之脩也六十年矣予深惟湮沒
是懼顧以初領事未敢緩其所
急歲再期樂其安閒邑紳士亦
以脩志請僉謀具同刻日開局
乃進同事告之曰潮之屬土瘠
賦薄莫如埔濯磨自喜亦莫如

埔然而有自来矣菁莪之盛鄉
校之牒也是昌黎天水漢之前
路也文山陸相之義烈震蕩波
濤是我邑孤忠純孝之師也濂
溪白沙之詞翰留題空谷是我
邑高山景行之慕也

國家久道化成脩吾之志將以
扶世立教六十年中有似其一
節者必盡書他若質而不俚詳
而有體錄不遺細削不避強此
史家事即諸君事也予不敏亦
執筆而從其後凡四閱月稿成

付梓若此中山川復有如文獻
清獻其人則以俟夫他日之脩
志者

嘉慶九年甲子歲季春月穀旦
署大埔縣事三水縣知縣湖北
鶴峯州戊申科舉人洪先燾鳴

臬書於茶陽官署

原叙

知縣 張燮任

今上御極之八年嘉惠元元濯磨吏治徵天下郡邑紀乘
夫以萬幾宵旰猶然凝神兵食阨塞百爾在位可不留心
拜受民數入相府收圖籍兢兢以祇承明德間有不識時
務者訾邑乘爲粉飾不急之書不知致治持危端不越此
又以爲勘亂需武遑恤文教不知子輿氏嘗稱天時地利
人和罔弗于志咸備故天有災祥而人有修禳修救地有
險易而人有平險芟荒政有得失而天地亦因之以清寧
傾軋於是民數因之以登耗風俗因之以污隆武備因之

以張弛節孝因之以興墜人文因之以開鬱凡人事之關
於造化即職守之命於朝廷不可惡其害已而任其廢墜
也如此任以癸酉初秋承乏茶陽觀風問俗即知志之不
可久湮無奈百務旁午未浹冬而有三饒代署之舉兩地
戴星不遑寧處未幾而海波不靖風鶴時聞益復拮据於
繕城製器索賦簡張幾於手口卒瘡賴聖天子明見萬里
權不中制俾秉鉞持斧元老得以迅掃鯨鯢嗣是而分憲
領郡諸上臺一意清嚴簡靜與民休息以致官有餘閒得
以專力較讐於時開局而執牛耳者爲學博番禺梁君以
五到三長司載筆之役一切徵文考獻發微闡幽則有言

學楊生闡子衿藍生守和饒生希鎮吳生士珙倡首而考
終者邑孝廉饒君聚孤靡以成裘織吉光而煥采俾任得
藉手以對揚休命幸矣余之因人成事也假令遭時清淑
而歲比不登即徼天得歲而孤陋寡助官師之墮麓之和
士大夫無針芥之投問祈招而不知讀撐犁而靡對即欲
藉手觀成得乎志成而余懼滋甚誠恐後之視今亦如今
之視昔執民數風俗武備孝節人文而訾余瑕也若謂真
足述往昭來傳疑傳信通天地人之蘊該戡亂保邦之謨
也自有執董狐之筆者存何有於我哉崇禎九年丙子
季春